

ПОЭЗИЙ

Владимир Матвеев Волжский районсы Отымбал ялыште 1989 ий 27 майыште шочын. Отымбал, варажым Пётъял кыдалаш школлаште тунемын. Туштак, Приволжский иоча музыкальный школын филиалыштыже, баян дене шокташ шўма-рҥын.

Икымше «Отымбал ялем» почеламутшо 4-ше классыштак шочын. Умбакыже нӱргӱ рвезым возаш мари йылмым да литературым тунуктышо Нина Павловна Синичкина кумылаҥден: тўрлӱ конкурслашке да мероприятийлашке ўжын.

2006 ийыште тудо Марий кугыжаныш университетын журналистик пӱлкашкыже тунемаш пурен. 2007 ий сентябрь гыч «Марий Эл Радиошто» вўдышылан пашам ышта. Муро-влакымат воза да нуным калык коклашке лукташ тырша.

Семмастар Вячеслав Осипов почеламутшо-влаклан ятыр семым келыштарен. Анна Османова деч тудо мурын ямжым чон дене шижаш тунемын. Шочмо кундемаштыже Отымбал тўвыра пӱрт вуйлатыше акажат, Галина Алексеевна Дмитриева, тыгак эреак полшен шога. Сандене нине лишыл еҥ-влаклан автор чонжо гыч, эн келге лук гыч, лекше шокшо таум каласа.



Владимир МАТВЕЕВ

ИТ ЛЎД, МЫЙ ПЕЛЕНЕТ УЛАМ

Ит лўд, мый пеленет улам.
Колнет гын шыма мутым — ом чамане,
Йўдвошт тылат ойлен кертам.
А муралташ гын, муралтем мый, ане,
Гармонь сем дене пойдарен каснам.

Ит лүд, мый пеленет улам.
Чот ондалам, кас юж ден кылменат гын,
Эр марте пеленет кодам...
Мотор ұматым шупшалаш йодат гын,
Мый тауштем, шкежат шупшал манам.

Ит лүд, мый пеленет улам.
Сур пире корнывожыштет кия гын,
Той кердым кидышкем налам,
Поктен колтем. Уэш-пачаш мия гын,
Мый шакшым яра кид денат кертам.

ЙӖРАТАШ ШОНЕТ ГЫН...

ЙӖраташ шоненат гын, йӖрате...

А. Васильев

ЙӖраташ шонет гын, мыйым вел йӖрате.
Кудалташ шонет гын, йӖршын ит кудалте.
Вученам чон вургыж тыйын ю шомакым,
Тиде пиалемлан пален омыл акым.

Шупшалалтме тамже тӱрвешемак кодын,
Воктекем лишемыч тые воштыл-модын.
Сусыртыш чонемым, йӱлыш чыра семын...
Шӱм-чон толкын кече пӧлеклен у семым.

Лийынат эн лишыл, ӱшаненак омыл...
Шкетын ӱмырешлан тыйын верчын кодым.
Кечын тул йолваже, йӱдын ший алгаже
Лийын ынде ӱмыл, эртышын кышаже.

Шуйышыч кидетым лач пиаллан верчын —
Кошкыш ночно йӱдшӧ, йӱкшыш ныжыл кече.
Кайыкын ю мурыжо шарнымаште лийже...
Шкетынак кодалме — пӱрымашын сийже.

Йөраташ шонет гын, пале койышем,
Кудалташ шонет гын, мондо шомакем.
Тек вучаш ом шоно сөрымө шомакым –
Тиде пиалемлан пален омыл акым.

ЧОНЕШТЕН ОТ КЕРТ

Чонештен тый от керт, шулдырет ит шаралте,
Мый ом колто уэш йүд вашеш.
Йүк-йүан шортшо шем ойго ден курымлалтын,
Шинчавүд чылт шемемын ошеш.

Чонештен тый от керт, кумылем ит тарвате,
Толынам тый декет ик жаплан.
Пиалемым вучен, кумылемже волгалтын,
Пеленетак лийнем, но молан?

Пиалем, чонештен тый от керт сур кавашке,
Чон воктен пудалем курымлан.
Мый палем, тый вашкет пиалан ош тўняшке,
Уке тушто лач верже мылам.

Чонештен тый от керт: шўлышет кодын огыл,
Теныз вўдыш чыкем жап шуде,
Ну молан тый вашкет, кече тул дене модын,
Когартет шемеммеш шулдырет.

Чонешташ тый ит тошт пўрымаш дене модын,
Ит руалте шўчанше паем.
Ик чўчалтыш вием тыланет гына кодын,
Шижамат, когарта шомакем.

ИТ ВУЧО

Ит вучо сылне шошым —
Ок пөртыл тый декет.
«Танемже мөнгө толжо...» —
Шке семынет шонет.

Арам пычкемыш йүдым
Тый тудым шоненат.
Вара, вашмут деч лүдын,
Шудалын шортынат.

Арам тый ужаталыч
Да сөрышыч вучаш,

Но шкетынак кодалыч...
Тыгай йөратымаш.

Возен качет: «Ит вучо.
Мый весым йөратем...»
Кузе шүметлан чучын?!
Пустанын он, палем.

Но көргө чонын йөсым
Чытен илен лекман.
Вашлийын жап гыч весым,
Лият тый пиалан.

КЕЛШЕН ОМЫЛ

Воктенет лум гаяк мый шулем,
Воктенет шомакемже йүла,
Но тачат мые сайын палем:
Кумылет весылан йывырта.

Ала йышт вожылал шыргыжмем
Тыланет лийын отыл пөлек?
Ала порын шинчам пүялмем
Шүмыштет шыде тулым чүктен?

Ала кажне гана вашлиймек,
Ал пеледышым кондымемлан,
Йөратем манын чоным почмек...
Ала ты оемлан сыренат?

Тек туге... Келшен омыл тылат,
Но лач иктым гына каласем —
Ўмыреш садак шкетын кодат:
Тый от мошто йөршеш йөратен.

ЙОМДАРЫМЕ ШҰЛЫШ

Кунам уэш кастане тый лектат?
Йүр шинчавүд ден сусыртен чонем,
Толеш тек шұлык шүмышкем адак,
Но, ўшанен, лекметымак вучем.

Омеш кончет, улат тый Ош суксем,
Но шыргыжметлан весе куана.
Тек лийже мыйын шүдө сулыкем,
Садак чонем кавашке чонешта.

Мый титаклаш ом тошт ош йүдымат,
Кунам чоннам ушен ме шортынна.
Велале кочо чинчыжым тылзат —
Чылт көраненак шорто мыланна...

Но жап эртен... Тый өпкелен шортат...
Түрветын тамже кочо мыланем.
Молан тунам орадым ужынат,
Но ужын отыл кошкышо чонем...